

右為末入血竭和勻酒糊丸如桐子大辰砂為衣  
每服七十丸空心酒下

紅花當歸散治婦女經氣不通

劉寄奴五兩 歸稍 牛膝 炙甘草 紫葳

紅花 蘇木各二兩 赤芍藥 肉桂

白芷各二兩 加大黃一兩醋炒

右為末每服二錢半空心溫酒調下

通經丸治婦女月候不通結滯疼痛積成癥瘕

桂心 青皮 大黃煨 乾姜炮 川椒炒去目

蓬朮 乾漆炒 紅花 當歸 桃仁各等分

右為末醋糊丸如桐子大每服三五十丸空心溫酒下

一方治婦女經氣不通

斑猫 三粒以糯米炒黃去米 桃仁 五十个 大黃 半兩

右為末酒糊丸如桐子大每服二十九空心酒下

定馬散治婦女經候不通半年者只三服効

當歸稍 官桂 大黃 凌霄花各二錢半

頭紅花二兩

右為末肥人二錢瘦者一錢空心好酒調下

破血丹治婦女乾血氣

大黃二兩酒煮乾 礬石一錢五分 加斑猫 寸炒

桃仁二錢

右為末酒糊丸如桐子大婦人七丸女子五丸空

心紅花煎湯和酒下

調經升陽除濕湯治婦女漏下惡血或暴崩不止多

下水漿之物月事不調皆由飲食不節及勞傷形體

或有心氣不足致令心火乘脾脾受土邪也令人怠

惰嗜卧困倦乏力其脉緩而弦急故漏下月水不調

也况脾胃為血氣陰陽之根蒂也當除濕去熱去風

氣上伸以勝其濕又曰火鬱即發之



酒當歸 獨活各等 蔓荊子七分 防風

炙甘草 升麻 高本各二錢 柴胡

羌活 蒼朮 黃芪各二錢半

右劉用新水三鍾煎至一鍾空心熱服火時以早飯壓之一服而已如炙足太陰脾經中海穴二七壯亦已此藥乃從權之法用風勝濕為胃下陷氣迫於下以救血之暴崩也惡血之物住後必項參芪甘草當歸之類數服以補之如補氣升陽湯中加以和血藥便是也若經惡血物下之不絕尤宜究其根源治其本經只益脾胃退心火之亢乃

治根蒂也若遇夏月白帶脫漏不止宜用此湯一服立止

涼血地黃湯治婦人血崩是腎水陰虛不能鎮守胞絡相火故血走而崩也

黃芩 荊芥穗 蔓荊子各三分 黃柏 知母

高本 細辛 川芎各六分 黃連 羌活

柴胡 升麻 防風各九分 生薑

當歸各二錢半 炙甘草三錢 紅花二分

右劉為二服水煎空心稍熱服

當歸芍藥湯治婦人經水漏下不止其色鮮紅赤因

脾胃虛弱氣短身熱悶亂惡見飲食沉困無力不能  
言者

柴胡分炙甘草 生薑各三分 陳皮 熟地各五分

黃芪一錢半 蒼朮 當歸 白芍藥

白朮各二錢

右剉水煎稍熟空心服

柴胡調經湯治經水漏下鮮紅不止項筋急腦痛脊  
骨強痛

炙甘草 當歸身 葛根各九分 獨活 高本

升麻各一錢半 柴胡二錢 羌活

蒼朮各三錢

石劉水煎空心稍熟服得微汗立止

益胃升陽湯 血脫益氣古聖人之法也先補胃氣

以助生發之氣故曰陽生陰長諸甘藥為之先務舉

世皆以為補殊不知甘能生血此陽生陰長之理故

先理胃氣人以穀氣為寶

柴胡 升麻各五分 甘草炙 歸身 陳皮各錢

人參有壞去之 神曲炒各一錢 黃芪二錢

白朮三錢 生地黃少許

右剉水煎稍熟服腹痛加芍藥入桂一分口乾作



渴加葛根

升陽舉經湯治經水不止右手脉按之空虛是氣血俱脫也時見熱於口鼻眼或渴當升舉血氣切補命門之下脫也

肉桂 秋冬用夏不用 白芍藥 紅花各五分 細辛 六分

人參 熟地黃 川芎各錢獨沽 附子炮

炙甘草各二錢半 羌活 高本 防風各二錢

白朮 柴胡 當歸身 黃芪各三錢

桃仁 寸去皮研

右剉水煎空心熱服

調經益氣湯治婦人經氣不調 以生諸疾

人參 當歸 黃芪 各三錢 白芍藥 川芎各錢

生地黃八分 白茯苓 陳皮 香附子 炮

黃芩 炒各一錢 柴胡七分 升麻三分 炙甘草 七

右剉水煎空心稍熱服

當歸丸治婦人血熱未及期而來多色紫或崩中漏下或年五十後當止不止者

當歸 川芎 芍藥 熟地黃 各二兩

香附子 炒去毛 酒煮 梔子 四兩 黃芩 酒炒 二兩

艾 四兩 米飯拌作餅日乾

右為末醋糊丸如桐子大每服七八十丸空心白湯送下或淡醋湯下

黃芪當歸人參湯治經水暴下不止先曾損身失血自後一次縮十日方來今次不止其人心窄性急多驚心氣不足胃脘當心而痛左脇下急縮當臍有動氣腹中鳴下氣大便難通証極多不能不舉者並皆治之

黃連一分生薑三分神曲炒陳皮桂枝各五分

人參黃芪麻黃各一錢草豆蔻二分

歸身一錢半杏仁五斤另研

右剉水煎已時後午前食遠溫服若胃脘當心而痛胃上有上客寒也用草豆蔻丸之類治之

酒煮當歸丸治白帶下注腰已下如在水雪中以火炕重厚綿衣蓋之猶寒面白漸瘦困乏無力心下痞背上惡寒小便遺此上中下三陽真氣俱虛也

小茴香五錢附子炮良姜各七錢當歸一兩

右四味剉碎以上等好酒一盞半同煎盡焙乾

炙甘草 苦棟子 丁香各秀木香 升麻錢

柴胡二錢炒鹽 全蝎炒各三錢 延胡錢

右與前四味同為末酒糊丸如桐子大每服五七



十九空心淡醋湯下忌油膩生冷酒濕麵

固真丹治白帶久不止臍腹冷痛陰下亦然目中溜

火視物眩暈皆惡熱飲痛惟喜乾食此乃陰火上

溢寒在下焦大忌湯散以丸藥治之

酒黃柏 白芍藥各五分 柴胡 白石脂煨各一

白龍目酒當歸酒浸二錢 乾姜四錢炮

右件除龍骨石脂另研余者為末和勻水糊丸如

鷄實大 口乾空心多用白湯下待時以早飯壓之

不令熱 梁犯胃忌生冷

烏藥湯治婦人血海疼痛

當歸 甘草 木香各五錢 天台烏一兩香附三兩

右剉每服七錢水煎空心服痛甚加柴胡川芎

皮蒼朮每服各五分一服其痛立止

丁香膠艾湯治崩漏不止及下白帶之物臍下冷如

冰蓋氣不足勞役及飲食不節所得

熟地黃 白芍各三分 川芎 丁香各五分 阿膠炒

生艾一錢 當歸身二分

右剉水煎空心稍熱服

當歸附子湯治赤白帶下臍腹冷疼

當歸二錢炒薑炮三錢胡一錢麻一錢 甘草六分柴胡六分

黃柏以許五引用 乾姜 良姜各一錢

右剉水煎空心服或酒糊為丸每五七十酒

下亦可

柴胡丁香湯治婦人臨經先腰疼腰痛經縮二兩日

生熟各二丁香加歸身 防風 羌活各一錢

柴胡一錢半 全蝎二寸

右剉水煎空心熱服

延胡苦練湯治臍下冷撮痛陰冷大寒白帶漏下

黃柏附延胡索 苦練子各四分附子炮

肉桂各六分 炙甘草一錢 熟地黃

右剉水煎空心服

參補氣湯治婦人四肢怠倦自汗無力

丁香分生甘草稍 炙甘草各三分 生地黃

白芍藥各五分 熟地黃六分 人參

防風 羌活 黃柏 知母 歸身

升麻各七分 柴胡錢黃芪一錢半

全蝎一 五味子二寸

右剉水煎空心稍熱服

黃芪白朮湯治婦人四肢沉重自汗上至頭際頸而

遠惡風頭暈煩熱



細辛三錢 吳茱萸 川芎各三錢 柴胡 升麻各二錢

歸身一錢 酒黃柏 炙甘草

羌活各三錢 五味子三錢 白朮 人參各三錢

黃芩一兩

右剉入姜五片煎服空心

全生活血湯治半產血暈血迷昏不知人事者是暴去其血亡血補血又何疑焉

紅花三錢 蔓荊子 細辛各五分 生地黃夏月夏加

熟地各一錢 高本 川芎各一錢半

防風 羌活 獨活 炙甘草 柴胡

歸身各三錢 白芍藥 升麻各三錢

右剉每服八九錢水煎溫服此藥預先合下以備急用此症若不速治刻時致命

白朮茯苓湯治胃氣弱身重有痰惡心欲吐是風邪羈絆於脾胃之間當先實其脾胃

白朮 茯苓 半夏各兩 神曲各三錢 麥芽各五分

右剉入生姜煎不拘時服

溫經除濕湯治四肢無力醋心合眼麻木閉目不麻頭眩暈四肢無力乃痿厥濕熱在下焦也醋心者是濁氣不下降欲為滿也合眼麻者陽道不行也惡

風寒者上焦皮膚中氣不行也開目不麻者曰開助陽道也故陰寒之氣少退也頭眩暈者風氣下陷於血分不得伸越而作也近火則有之

黃連 柴胡 草豆蔻 神曲炒 木香各二分

麻黃 獨活 歸身各一分 黃芪二錢 黃柏三分

升麻五分 羌活七分 甘草 人參 白木 猪苓

澤瀉各一錢 陳皮 蒼朮錢 白芍藥二錢

右剉水煎食遠服

補氣升陽和中湯治婦人六脉弦洪緩相合按之無力是風熱下陷於陰中陽運不行也其症閉目則渾

身麻木晝夜甚開目則麻木漸退懼其麻木不敢合眼身重痰嗽氣短食少大小便如常

生甘草 酒黃柏 茯苓 澤瀉 升麻

柴胡各錢 草豆蔻 蒼朮二錢 陳皮

歸身 白朮各二錢 芍藥 人參各錢

佛耳草 炙甘草各四錢 黃芪五錢

右剉水煎食遠服

麻黃桂枝升麻湯治婦人因心中煩惱遍身骨節疼痛体重少食小腹中氣不運轉

木香 生姜二分 桂枝 半夏 草豆蔻 黃柏



厚朴 陳皮 附子各四分 炙甘草 升麻  
白朮 茯苓 澤瀉各六分 黃芪  
人參各二錢 麻黃

右剉水煎食速服

奉心丸治婦人天癸當止每月却如常行或崩中下血用黃芩二兩淨以米醋浸一宿焙乾為末醋糊丸桐子大每服七八十丸空心燒鉄秤垂酒下年久者用鼠尾茶年若若用空腸茶或為末調下亦可如聖散治崩漏下血

棕皮 烏梅 乾姜各等分俱燒灰存性為末

每服三錢空心烏梅煎湯調下

芍藥散治婦人白帶臍腹冷痛

白芍藥二兩 乾姜一兩同炒黃色

右為末服三錢空心清米湯調下

平補固真丹治婦人白帶漏下惡物腰腹冷痛及男子下元虛冷

蒼朮 米泔水浸二日去皮剉碎一斤分為四分

四兩用小茴香青鹽各一兩同炒黃

四兩用破故紙一兩同炒

四兩用川練子川烏各一兩同炒

四兩用川椒去目梗一兩同炒

加白茯苓 當歸身各一兩

右為末酒糊丸如桐子大每服五十丸空心酒下  
或淡鹽湯下

加減四物湯治婦女諸疾

熟地黄 川芎 芍藥 當歸

右件量病加減水煎服

如骨蒸勞熱加地骨皮 牡丹皮 紫胡 生地 黃黃  
栢

如胎動不安加膠艾 黃芪 白芍藥 減半

崩中下血加生薑 荆芥 穗 膠艾 黃芪

如虛寒脉微自汗腹痛者 附延胡索

如經水澁水加紅花 蘇木 桃仁 蓬朮

大便閉結加桃仁 枳榔 雜者加大黃

產後腹痛或兒枕疼加青皮 香附 柴胡 蒼朮

血虛發熱日輕夜甚者加黃栢 知母 生地黃

或寒熱往來合小柴胡 入生薑煎服

逍遙散治經氣不調潮熱飲食日漸黃瘦

炙甘草 半兩 當歸 茯苓 白朮 柴胡

白芍藥 各兩 如筋骨間熱甚者加牡丹皮 地



骨皮

右剉入生姜三片薄荷一分煎服

筭男女胎法

先以父年歲數為上文以母歲數為下文以受胎月數為中文遇一三五七九數屬陽遇二四六八十數為陰陽文單一陰文拆一如得乾坎艮震為男胎如合得巽坤兌為女胎萬無一錯若筭男生女筭女生男不過三五歲必天來男之法觀此見矣大凡經止後一日三日皆可結胎

定男女胎法

七七四十九問母何時有除去母年數雙數是男單是女如上半年產係隔年氣數論若下半年產以今年氣數論

胎前諸証

妊娠經漏宜四物湯減芍藥一半加茜芩膠艾生芩劑芥安胎散治觸動胎氣不安腹痛

縮砂炒熟去壳為末每服一錢半溫酒調下或

艾湯下

立効散治胎動不安

黃芩炒 白朮 當歸身 砂仁各等分

加膠艾生朮

右剉水煎服

枳殼湯治胎漏及因事下血

枳殼炒去穢 黃芩炒各五錢 白朮二兩

右剉水煎服

升麻湯治妊娠中風角弓反張口禁語澁謂之子痲

升麻 防風 獨活各兩 桂心

羚羊角鎊末另研 升麻 甘草 酸棗仁

秦芫各半兩 川芎

當歸 杏仁各七錢黃去皮尖

右剉入生薑三片竹瀝一合煎服

東胎散一名連生散妊娠八九箇月服數貼甚得力

腹皮錢八 參 陳皮錢五 白朮 芍藥錢二

紫蘇錢二 甘草二錢 當歸身錢一

加枳殼 砂仁各半錢 夏加黃芩

春加川芎 或有別証以意消息

右剉入青葱葉一枝煎服

一婦人有孕而惡心嘔逆阻其飲食名曰惡阻多從

痰治以二陳湯之類加減須用生薑以制半夏



黃芩白朮乃安胎之聖藥也勿以黃芩為寒殊不知胎孕宜清熱涼血使血循經而不妄行乃能養胎必取細朮搗實者用之縮砂安胎止痛行氣故也益母草一名充尉子活血行氣有補陰之功命名益母以其行中有補也故曰胎前無虛產後無實

益母丸一名返魂丹一名濟陰丹治胎前產後諸疾

益母草一名野天麻一名充尉子五六月間紫花時採陰乾

厚朴加木香 玉錢芍藥 當歸各二兩

無木香加香附

右為細末一處和勻焙罈丸如彈子大每一九童

便和酒化服

催生丹

射香一字另研乳香一分另 母丁香一錢兔腦髓

右各為末一處和勻以兔腦和丸如茨實大陰乾以油單唇封固每服一九溫酒送下即生

一姓婦常令行動臨時易產多有富貴家逸又多膏粱之味所以難產如瘦胎飲者為湖陽公主而作蓋奉養過而氣實故也

一產婦血迷不省人事急用半夏細末吹鼻中夢須

自醒

產後諸疾

小柴胡湯治產後惡露方行忽然斷絕寒熱往來語言狂亂如見鬼神此熱入血室故也本方中加生地黃當歸稍煎成調辰砂細末一錢空心溫服服宜用蘇合香丸以酒化下

八珍湯治產後敗血干心令人舌強不語神思昏憤

人參 石菖蒲 生地黃 川芎各五錢

辰砂 研防風 炙甘草各二錢半 細辛五分

當歸一錢

右為末一處和勻每服三錢空心薄荷煎湯調下

愈風散治產後風不省人事口吐涎沫手足痲痺者

荆芥穗三錢 當歸一錢半

右為細末童便和酒調服 一方無當歸

加減四物湯治產後兒枕疼 方見前

黑神散治產後惡露不尽胞衣不下攻心痞滿臍腹

撮痛及血暈神昏眼黑口禁及瘀血等症

黑豆半升 炒黃 熟地黃 當歸 肉桂

乾姜炮炙甘草 芍藥 蒲黃各四兩

右為末每服三錢童便和酒調下空心

治產後惡露不下用炒糯米二錢童便調熱飲



湧泉散治產婦乳火

瞿麥穗 麥門冬 王不留行 龍骨

川山甲

右等分為末每服二錢熱酒食後調下先食猪蹄羹湯後服藥以木梳於乳左右上下梳二三十梳

小兒

醫家准小兒科為難者謂言語未足辨脉理未足憑也周歲已前血氣未完脉難依擬只看谷口三關指紋氣色三周已後但以一指按揣其脉以六至為平和八至為熱二至為冷五六歲方可審下三指以診

寸關尺也小兒治法錢氏立例甚詳今錄此數方于後

小兒初生下急以手指纏綿口中措淨用甘草汁一二點然後與辰砂細末些須乳調抹兒口中消化腹中穢毒日後疹痘平善

斷臍法切忌不可短短則易生病宜長用口咬斷以火燒烙令焦緊繫住

浴洗勿用辛燥之藥以甘草三錢桑葉各三枝槐柳各三寸辰砂細末二分荆芥羌活地骨皮各一錢水煎去渣取淨湯溫洗日後不生瘡

小兒形色

有肥而氣怯瘦而氣壯氣怯則色必嫩其氣虛  
氣壯者色必盛其氣實

五臟之氣皆形於面部隨症流形初無一定忽然青  
黑主乎痛必心然赤者主乎熱忽然白者主乎冷忽然  
黃者主乎積此其氣之開闔非係乎時非係乎位又  
如心主額肝主眼并左臉脾主唇之上下肺主右臉  
腎主耳前其外形或見於位或露於地部謂不可取  
之二端明其義也且脾主唇之上下為吐瀉或患痢  
日久其色黑者腎之乘脾水反尅土名為強勝肝主  
眼并左臉其色青本色也主驚駭風痰發動是為順  
証若見白色乃肺尅肝也則為逆証以此推考變而  
通之存乎其人學者留心于此誠有用焉

胎寒臟寒

若口與手足相冷肌起寒凍時發寒戰曲足曲手泄  
瀉青白口禁不開是寒証其母曾服涼藥或生冷大  
過是胎寒所致若不早治恐生慢脾風又或臨產在  
地稍入冷氣侵迫或浴水涼亦為臍短或結縛不緊為  
寒襲故有此症急當溫煖以回陽隨症調補乳母要  
忌生冷易為取效



驗胎熱臟熱

若眼胞赤腫常作伸吟啼叫不已疳疔驚煩身熱小便赤色者是熱証因母食熱物或外感風邪致也若不早治熱則生風或生木舌及丹毒等症宜解散風熱之藥乳母切忌辛熱酒濕麵勿食

小兒脉形



男看左手女看右手

風關易治

氣關病深

命關死候

小兒三關指紋形有一十三曰流珠環珠長珠來蛇反裏反外鑿形魚骨水字針形透關射甲等形大多茲不備錄大抵形見風關主病輕易治入氣關者主病重透甲入命關主死




脉形曲向裏者是氣疴



曲向外者是風如魚刺者是驚




斜向右者是傷寒身熱不食乳無汗




斜向左者是傷風身熱不食乳有汗



雙鈎脉者是傷寒



三曲如長虫者傷硬物



脈兩曲如鉤是傷冷




一頭如環有脚傷食



此紋在手上或見面上左右臉邊皆

是死候



此形是食毒驚積難療



脈如亂虫是疳亦有蛔食積疳

已上指紋青者驚赤者熱微曲則急驚風芎主得

食仍以五臟論五色惟通命關透甲主死不治

### 小兒外証一十五候歌

眼上赤脈下貫瞳人顛門腫起兼及作坑鼻乾

黑燥壯大青筋目多直視覩不轉睛指甲黑色

忽作鷓鴣声虛舌出口嚙齒咬人魚口氣急啼不

作声蛻虫既出必是死形用藥速效十無一生

治小兒臍風撮口視兒齒齲肉上有小泡如米狀用

綿包指將小泡搯破即愈

小兒變蒸作熱非謂病也不藥自愈乃生意也用藥

不宜辛燥

治臍中汁水不乾貼皂心土不得者用赤石脂細末

糝之自乾如腫先以荆芥煎湯温洗過用葱白火上

炙熟地上出火毒割開貼腫處便消



初生小兒忌外客所觸免致客忤如有客忤必項強  
甚則發搐欲死者用蘇合香丸一小豆許白湯化嚥  
再用一粒安臍中或顛上即安若驚風發搐用之極  
効

禁小兒夜啼取乾牛糞如手片安卧席下勿令母知  
或取十字街心土一捻或取猪窠中土俱効如腹痛  
或有別病啼哭者宜詳症用藥

天麻防風丸治小兒驚風痰熱發搐等症

姜蚕 炒全蝎 炒各五分 天麻 防風 人參各二錢  
辰砂 另研 雄黃 另射香各二分另

牛黃一分另甘草炙二錢

右為細末一處和勻煉蜜丸如桐子大每服一九  
薄荷湯化下或清茶大小量與

抱龍丸治小兒驚風潮搐及傷風瘟疫身熱昏睡氣  
喘痰嗽等

天竺黃 雄黃 辰砂 射香 錢

南星 四兩 曬臘月牛膝 白陰干百日 一法用水浸三五香焙干

右各另為末一處和勻用甘草熬成膏和丸如皂  
角子大每服一九溫水化下

人參羌活散治小兒驚風痰熱及瘡疹未發之先亦

可服

羌活 獨活 柴胡 升麻 茯苓 人參

甘草各一兩 前胡 桔梗 地骨皮

天麻各三兩 枳殼一兩 半夏四兩

右劉入生姜薄荷棗煎服

取胃膏治冷氣入胃嘔吐泄瀉

山慈 藿香各二兩 炙甘草二錢 陳皮 砂仁

茯苓 白朮 肉桂各五錢 人參 木香

丁香 肉果煨 白豆蔻各二錢

右為末蜜丸皂角子大一歲一丸清米湯化下

天麻丸治小兒驚風痰熱不分外感用之奇效

防風通聖散內加天麻辰砂姜蜜全蝎羌活共

為末以蜜丸皂角子大一歲一丸清茶化下

加味五苓散治小兒驚風發搐奇效治論詳在曾氏

小兒五苓散加枳殼薄荷用水煎成調辰砂末服

鎮驚丸治小兒驚風安神退熱止夜啼化痰止咳

珍珠 琥珀 天竺黃 雄黃各三錢 金箔

牛膽南星三錢 牛黃二錢 射香五分

辰砂三錢 桑寄生三錢 桑寄生三錢 桑寄生三錢

荷湯下



辰砂老治小兒驚風等症

巴豆去心炒令杏仁連皮去尖半夏七辰砂

右為末生薑湯煮糊丸如粟米大出月小兒用一

丸三月者二三丸清茶嚥下

肥兒丸治小兒疳積者多因關乳食突大早所致或因久病胃虛虫動日漸羸瘦腹大變豎不能行走面黃口臭發熱無精神者此藥殺虫進食

神曲炒黃連揀淨各一兩肉果煨史君子去皮

麥芽炒各五錢 檳榔二斤 廣木香二錢

右為末猪膽丸如米粒每服二十九量歲數

熟水或米湯空心下

錢氏白朮散治小兒吐瀉將成慢脾風者用之極效

人參 白朮 茯苓 甘草炙 藿香 葛根各二錢

木香 柴胡 枳殼 五味子各五分 加山藥

白扁豆 肉果 人姜一片煎服若慢驚

已作加細辛天麻各五分全蝎一丁白附子三

分

辨急慢風

急慢驚乃陰陽異証宜辨之急驚動而速陽也多

痰熱宜涼瀉

慢驚靜而緩陰也因脾虛治宜溫補

此二証陰陽虛實寒熱之別不候也若以一藥通治之甚妄也慢驚雖靜乃危症也

東垣治小兒驚論

外物驚者宜鎮心黃連安神丸若氣動所驚寒水石安神丸大忌防風丸治風辛溫之藥必殺人何也辛散浮溫熱者火也能令母實助風之氣感故殺人也因驚而泄青色先鎮肝以朱砂之類勿用寒涼之藥大禁涼驚丸風木旺必克脾胃當先實其土後泄其木問孝忠編集錢氏方以益黃補土候矣其藥有一

香辛執助火火旺土愈虛矣青橘皮瀉肺金丁香辛熱大瀉肺與大腸脾胃當瀉子令脾胃虛反更瀉子而助火重中其土以殺火無疑矣其風木旺証右關脉洪大掌中執脈皮熱豈可以助火瀉金如寒水來乘脾土其病嘔吐腹痛瀉痢青白益黃散聖藥也今立一方先瀉火補金大補其土是為神治之法  
黃芪湯

黃芪錢二 人參錢一 炙甘草分五 加芍藥分七

右剉水煎食遠服

此三味皆甘溫能補元氣甘能瀉火內經云熱



滯於內以甘瀉之以酸收之白芍藥酸寒寒能瀉火酸味能瀉肝而大補肺金所補得金土之位大駐火虛風木何由而來尅土然後瀉風之邪

益黃散治胃中風熱為患日每發熱困倦等証

黃芪錢二 陳皮 人參各錢芍藥分七 生甘草

熟甘草各五分 黃連以許

右坐水煎服

升陽益血湯治小兒未滿百日腹脹二三日大便

度瘦弱身黃

蜀稍分二 神曲炒 升麻分三 當歸 厚朴錢 桃仁个十

石剉水煎食遠稍熱服

產物丸治小兒失乳以食飼之不能尅化或生腹脹

四肢瘦弱或痢無常色

厚朴 青皮各分 陳皮 半夏 蒼朮炒

人參各分 枳實 麥芽炒 神曲炒各五分

右為細末麵糊丸如麻子大每服二十丸空心溫

水下

瀉湯治一二歲小兒冬月大寒証明堂青脉額上

青黑腦後青絡高起舌上白滑喉鳴而喘大便微青

耳大冷目中常常淚下胃中不利吐而多驚無指則  
寒

黃柏 陳皮 葛根 連翹 蜀椒 甘草  
升麻 黃芪 柴胡 歸身 麻黃 吳茱萸  
生地黃 地龍 各五分

右剉水煎食後服服後添喜笑精神乳食自順  
大蕪蕪湯治黃疸土色為熱為濕當小便不利今反  
利知黃色為燥胃經中大熱髮黃脫落知膀胱與腎  
俱受土邪大濕熱之証鼻下斷作瘡者上逆行柴氣  
伏火也能乳者胃中有熱也寒則食不入喜食土者

胃不足也苗黑者為寒痺大便青寒褐色血黑色熱  
舌中黃色腸中有熱治法當滋榮潤燥除寒熱  
生津

防風 黃連 各二分 黃柏 麻黃 炙甘草  
羌活 各二分 梔子 炒柴胡 茯苓 各三分  
當歸 加白朮 蕪蕪 各五分

右剉水煎空心稍熱服

塌氣退黃湯治小兒面色痿黃腹脹食不下腹痛午  
後熱

白朮 柴胡 各二分 升麻 桂枝 麻黃 厚朴



吳茱萸

羌活 草豆蔻

神曲

蒼朮 澤瀉

茯苓 猪苓 黃柏

陳皮 各畧

青皮 黃連 杏仁 罌

右剉水煎空心服量兒小大用

中滿分消丸治小兒濕熱脹滿或四肢腫

枳實 黃連 厚朴 各畧 生姜 姜黃

猪苓 各二錢 陳皮 甘草 白朮 各錢半

砂仁 澤瀉 茯苓 各三錢 半夏 錢四分 黃芩 一錢二分

左為末 証餅為丸如黍米大每服三五丸白

水下

消痞丸 黃連 錢五分 黃芩 錢二分 厚朴 分七 人參 乾姜 分

姜黃 分五 甘草 分三 枳實 分二 陳皮 分一

右為末 証餅丸如黍米大每服三十九隨乳下

玉樞丹即太乙神丹治小兒驚風痰熱及客忤等症

最効凡瘡腫初起并重舌等以水磨塗自消方見瘡門

防風通聖散加天麻全蝎姜香羌活辰砂蜜丸皂角

子大每服一丸清茶化下治小兒驚風痰熱咳嗽累

用効

廉金散治口瘡如神其効方見口瘡門

治禿瘡癬疥等疾宜瘡癰門內用藥如小兒胎癬惟

百藥煎散以真桐油生調搽效

東垣癩疹論

夫癩疹始出之証必先見面燥腮赤目胞亦赤呵欠煩悶乍熱咳嗽嚏噴足稍冷多睡驚並瘡疹之証或生膿胞或生小紅癩或生癩疹此三等不同何故俱顯上証而後乃出蓋已上諸証皆太陽寒水起於右腎之下煎熬左腎足太陽膀胱寒水夾脊逆流上頭下額逆手太陽丙火不得傳導逆於面上故顯是証蓋壬癸寒水尅丙丁熱火故也癩証皆從寒水逆流而作也醫者當知此理乃敢用藥夫胞者一名赤宮

一名丹田一名命門主男子藏施化婦人繫胞有孕俱為生化之源非五行也非水非火此天地之異名也象坤土之生萬物也夫人之始生也二海始淨一日二日精勝其血則為男子三日四日血脉已旺精不勝血為女子二物相搏長生先身謂之神又謂之精道釋二門言之本來面目是也其子在腹中十月之間隨母呼吸呼吸者陽氣也而生動作滋益精氣神飢則食母血渴則飲母血兒隨日長皮肉筋骨血脉形氣俱足十月降生口中尚有惡血啼聲一發隨吸而下此惡血後歸命門胞中俾於一隅伏而不發



直持因內傷乳食滯熱之氣下流合於腎中二火交  
攻致營氣不從逆於肉理惡血乃發諸斑疹皆出於  
膀胱壬水其瘍後聚肉理歸於陽明故三審斑始顯  
之証皆足太陽壬膀胱剋丙小腸壬始出皆見於面  
終歸陽明肉理熱化為膿者也二火熾甚反勝寒水  
遍身皆出此皆出從足太陽傳也申來當外發寒邪  
使令消發內瀉二火不令交攻廿六中令濕氣上歸復  
其本位可一二服立已仍令小兒以後再無二審斑  
出之患此內經之法覽者詳之  
消毒救苦散治斑疹悉具消心  
便令不出如已出稀

者再不生癍

防風 羌活 麻黃根 升麻 生地黃

連翹 初出者減 酒黃柏 各五分 當歸身

黃連 各三分 川芎 高本 柴胡

葛根 酒芍 生芍 蒼朮 各一分 細辛

白朮 陳皮 蘇木 生甘草

紅花 各一分 吳茱萸 半分

右劉每服五錢水一鍾半煎至八分空心稍熱量  
多少服

黍粘子湯治癍子已出稠密身熱急用此藥服之防

後青乾黑陷

鼠粘子 炒當歸身 湯炙甘草各錢柴胡 連翹

黃芪 黃芩各二錢 地骨皮二錢

右剉水煎空心溫服且休與乳食

桔梗湯

桔梗三錢 炙甘草一錢

右剉水煎時時服之

四聖散治小兒痘疹極効

珍珠 三粒 既豆 單九粒 燒灰 晒乾 一錢 燒灰

右為細末用搽而胭脂調成膏

後用

頭將藥點在疔內即時大小瘡皆變白紅色無有

不効凡小兒痘疹若有灰疔者十疔八九謂人不

識內有疔也又不辨治法可於痘粉及黑色中認

出大者為疔又臭如前點之

十一味木香散治已出未出之時或渴或腹脹或吐

或瀉謂之裏虛

木香 腹皮 人參 桂心 茯苓 青皮

前胡 半夏 丁香 訶子皮

炙甘草各等分

右剉量兒大小水煎入生姜空心服



十二味異功散治痘瘡已出未出之時瘡不光澤不起發謂之表虛

木香 當歸各三錢 官桂 茯苓 白朮各三錢

人參 厚朴 肉果煨丁香 半夏

大附子炮去皮 陳皮去白各三錢半

方剉入生姜紅棗煎空心溫服量兒大小加減若瘡出十日後當屬不屬亦可服

一豆飲子治天行痘瘡但初覺即與食飲以消其毒

赤小豆 黑豆 共豆各一升 甘草節五錢

右淘淨水煮熟任意啗之其湯亦飲

消毒散治痘瘡已出咽喉不利聲啞及瘡出不快宜急服

防風錢六 牛蒡子錢六 荆芥錢三 炙甘草錢一

右剉水煎食後少少嚥下加桔梗尤妙

敗草散治痘瘡屬間膿水粘衣者以多年屋上經霜爛草不以及以晒乾焙搗為細末乾貼瘡上及鋪卧下

懷幼書云痘疹首尾和平服藥者候首尾虛寒不補者候首尾實熱不下者候誠訖是言也

一物湯治小兒痘瘡出不勻發癢或黑陷

蟬退 三五寸洗去泥及足 用水一盞煎至六分去  
粗量兒大小溫服或為末每用三五分熱水調下  
乳亦可

老人

丹溪先師曰人至六十七以後精血耗散平居無  
事已有熱証何者頭昏目眩肌痒溺數鼻涕牙落証  
多寐少足弱耳聾健忘眩暈腸燥面垢髮脫眼花文  
坐兀睡未風先寒食則易飢笑則有淚但是老境無  
不有此或曰局方烏附丹劑年若人氣虛理宜溫補  
殊不知烏附大熱况天道常有餘地氣常不足人身

之陰難成易虧 用陰方是前証皆因血少內經云腎  
惡燥烏附丹劑非燥而何夫血少之人若防風半夏  
蒼朮香附但是燥劑且不敢多牙烏附丹乎人年老  
精血虧少陰不足以配陽孤陽幾欲飛越因天生胃  
氣尚爾留連又藉水穀之陰故羸廢而定耳其燥熱  
之劑安敢常服若有脾濕推用燥劑以劫其濕局方  
用燥劑為劫濕也乃用推之意若以為常法多服之  
服豈不大悞夫老人內虛脾弱陰虧性急內虛胃熱  
則勿飢脾弱則難化則易飽陰虛難降則氣鬱而成  
痰至於視聽言動皆成廢懶百不如意怒火易熾雖



有孝子順孫亦是動輒抗腕况未必孝順乎所以物  
性之熟者及香辛滑膩皆不可多食雖然腸胃堅厚  
福氣深壯者性俗觀之何妨奉養縱口固快一時積  
久必為災害正謂爽口非疾厚味措壽前賢格言猶  
在人耳可不慎歟

衛生歌云春寒莫交綿衣薄夏月汗多須換着秋冬  
衣宜漸加添莫待病生纔服藥

養生銘怒甚偏傷氣思多太損神神疲心易役氣弱  
病相縈勿使悲歡極當令飲食均再三防夜醉第一  
戒晨慎夜寢鳴天鼓晨興漱玉津妖邪難犯已精氣

自全身若無諸病常當節五辛安神宜悅樂精氣  
保和純壽天休論命修行本在人若能遵此理平地  
可朝真

眉壽之人形氣雖衰心亦自壯但不能隨時人事違  
其所欲雖居溫飽亦常不足故多嗔煎性氣不定全  
在奉承顏色隨其所欲嚴戒婢僕子孫不令違背若  
憤怒一作血氣虛弱中氣不順因而飲食便成疾患  
常令人隨侍左右不可令孤坐獨寢緣老人孤僻易  
於傷感為人子者不可不知

老人腸胃虛薄飲食化遲不可頓飽但頻與食使胃



氣易化如此調停自然無恙每日早晨以醇酒進補  
下元藥一服臨睡覺有痞悶服寬中丸如痰服半夏  
枳朮丸消食化痰

人年七十以後肌體潤澤双臉常紅飲食不減兩手  
脉平是餘陽之取

天假其壽也切不可輕用苦寒之藥瀉火有傷胃之  
說

老人多服牛乳極有補益每用一盞入葦撥末半分  
煎熟温服無葦撥用胡椒或姜末皆可

衛生歌 世人欲知衛生道喜樂有常嗔怒以心戒

意正思慮除順理修身去煩惱欲求長生先戒性火  
不出乎神自定亦還去火不成灰人能戒性還延命  
東垣遠欲說

名與身孰親身與質孰多以隋侯之珠而彈干仞之  
雀必笑之何取之輕而棄之重耶殘軀六十有五其  
目半失於視聽百脉沸騰而心煩身如衆派漂流瞑  
目則魂如浪去神氣衰於前日飲食減於昔時但應  
人事病皆弥甚以已之所有豈止隋侯之珠哉安於  
淡薄以思寡欲有言以養氣不妄作勞以養形虚心  
以絀神壽夭得天安之於數得喪既輕而氣自然和



諸邪無所容病安增願有能持此亦庶幾於道可謂  
得其真趣矣

省言箴

氣乃神之祖精乃氣之子氣者精神之根蒂也大矣  
此精氣成精精以全神必清必靜御之以道可以為  
天人矣有道者能之予何人哉切宜省言而已  
人能謹於攝者春夏奉以生長之道秋冬奉以收藏  
之理飲食有節起居有常少思寡欲恬澹無精神  
內守病安從來自然五臟安泰六腑和平此不藥之  
藥也攝生之說見乎首卷茲不再述

予年將近六十矣恐失所傳於是親筆集而成  
書故吟俚語附于卷末惟濟利之一端耳

岐黃專業體諸仁念念于中歲月深只為家  
傳三世道令人費盡一生心